

Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ԽՈՍՔԸ ԹԲԻԼԻՍԻԻ ՍՈՒՐԲ ԳԵՒՈՐԳ ԵԿԵՂԵՑՈՒ
ՎԵՐԱԾԾՄԱՆ ԱՌԻԹՈՎ
 (31 հոկտեմբերի, 2015 թ., Թբիլիսի)

Յանուն Հօր եւ Որդոյ եւ Հոգւոյն Սրբոյ. ամէն:

*«Գոհանամք զՔէն Հայր Ամենակալ, որ պատրաստեցէր
 մեզ նաւահանգիստ սուրբ զեկեղեցի, տաճար սրբութեան,
 ուր փառաբանի Սուրբ Երրորդութիւնդ, ալէլուիա»*
 (Պատարագամատուց):

ՀՀ մեծարգո՛ւ նախագահ, Տիար Սերժ Սարգսյան,
 Հարգարժան պետական այրեր Վրաստանի եւ Հայաստանի Հանրապետության,

Սիրելի՛ հոգեւոր եղբայրներ եւ բարեպաշտ հավատավոր ժողովուրդ,

Մեր սուրբ հայրերի փառաբանական աղոթքով գոհություն ենք մատուցում Տիրոջը, որ շնորհը պարգեւեց Մեզ կատարելու Թբիլիսիի Ս. Գեորգ եկեղեցու վերածման արարողությունը: Նվիրական արարողության այս պահին վերապրեցինք Ս. Գեորգ եկեղեցու ութդարյա առաքելության հիշատակները, որ խոսուն վկայություններն են Վրաստանի օրինյալ հողում հայության հոգեւոր ու ազգային կյանքի զարթոնքի՝ միաժամանակ խորհրդանշելով հայ եւ վրաց ժողովուրդների դարավոր բարեկամությունը:

Ս. Գեորգ գորավարը Քրիստոսի մեծագույն վկաներից է, ում անունը անխզելիորեն կապված է նաեւ հայ եւ վրացի եղբայր ժողովուրդների քրիստոնեական անցյալի հետ: Ս. Գեորգը արդարության մարտիկ է՝ Քրիստոսի զինվոր, ով իր անձը ամբողջապես նվիրաբերեց քրիստոնեական հավատքի գորացմանը, Տիրոջ Ավետարանի լույս պատգամների տարածմանը: Շարականագիրը Ս. Գեորգ գորավարին կոչում է «քաջամարտիկ գորավար» եւ «մարդկային ազգի պարծանք»: Եկեղեցական պատկերագրության մեջ Ս. Գեորգը ներկայացված է որպես հեծյալ՝ վիշապին խորտակելիս, ինչը հոգեւոր խորհրդարանությամբ բարոյ հաղթանակն է ընդդէմ

չարի, լույսի հաղթանակը՝ ընդդեմ խավարի, ճշմարտության հաղթանակը՝ ընդդեմ կեղծիքի: Եկեղեցու պատմությունն ուսուցանում է, որ մեծահոյակ գորավարի նման անընկճելի նվիրյալների շնորհիվ է քրիստոնեությունը հաստատվել աշխարհում եւ գրավել մարդկանց սրտերն ու հոգիները: Ս. Գեորգ գորավարի հանդեպ ակնածանքով ու հարգանքով է, որ հայ եւ վրաց ժողովուրդների զավակները Սուրբ Գեորգին նվիրված հոգեւոր ու մշակութային նվիրական արժեքներ են ստեղծել եւ իրենց որդիներին անվանակոչել եւ անվանակոչում են Գեորգ անունով: Զորավար Սուրբի հանդեպ սերն է նաեւ վրաց ժողովրդին մղել՝ նրան հռչակելու Վրաստանի հովանավոր Սուրբ:

Ս. Գեորգ եկեղեցու վերածման հոգենորոգ այս առիթով մենք հիշում ենք մեր մեծանուն նախնիներին՝ հոգեւոր կյանքի, արվեստի, մշակույթի, գիր-գրականության հայազգի մշակներին՝ Ներսես Աշտարակեցի Հայրապետին, Նաղաշ Հովնաթանին, Սայաթ-Նովային, Մակար Եկմայանին, Հովհաննես Թումանյանին, Րաֆֆուն, Մուրացանին, Գաբրիել Սունդուկյանին, նշանավոր բազում հայ նվիրյալների, ովքեր աղոթել ու գործել են, ապրել ու ստեղծագործել են Վրաստանի հյուրընկալ հողում:

Վրացահայությունը Վրաստանը չի տարբերել պատմական իր հայրենիքից եւ գործել է ի սեր Վրաստանի բարօրության ու առաջընթացի, վրաց եղբայրական ժողովրդի հետ կրել է գրկանքները եւ տոնել հաջողությունները, իսկ անհրաժեշտության դեպքում լծվել վրաց սահմանների պաշտպանությանը թշնամիներից: Այսպես է, որ հայության համար Վրաստանը հարազատ աշխարհ է, սիրելի երկիր՝ քրիստոնեական կյանքի օրինակելի վկայություններով, ավանդական իր հյուրընկալությամբ, կյանքի ու կենցաղի գունագեղությամբ եւ ազգային յուրօրինակ արվեստով ու մշակույթով: Ուրախ ենք, որ այսօր եւս կենսունակ է վրացահայ համայնքը եւ նվիրված հոգեւոր կյանքի շինությամբ՝ շարունակում է ջանքեր բերել Վրաստանի պայծառ ապագայի կերտմանը:

Մենք հավատում ենք, որ վերածված Ս. Գեորգ եկեղեցին հոգեւոր կյանքի նոր շունչ պիտի հաղորդի մեր ժողովրդի զավակներին եւ պիտի առավել ամրացնի հայ եւ վրաց ժողովուրդների բարեկամությունը: Հայերը եւ վրացիները՝ որպես քրիստոնյա հինավուրց ազգեր, անսասան հավատք ունեն հանդեպ Քրիստոսի Եկեղեցու սրբազան ու փրկարար առաքելությունը: Եկեղեցին երկնային ապաստարանն է երկրի վրա, ուր բնակվում են սերը, հաշտությունն ու խաղաղությունը, եւ ուր հանգչում են առօրյա հոգսերից բեկված հոգիները: Եկեղեցում է արձագանքում մեր Տիրոջ քաղցրա-

բարբառ կոչը. «Եկայք առ իս ամենայն վաստակեալք եւ բեռնաւորք եւ ես հանգուցից գձեզ» (Մատթ. ԺԱ. 28): Եկեղեցում վերանում են թէ՛ ազգային, թէ՛ ռասայական, թէ՛ սոցիալական եւ թէ՛ մշակութային խտրականությունները. «Չիք խտիր ո՛չ հրեայի եւ ո՛չ հեթանոսի, ո՛չ ազատի եւ ո՛չ ծառայի, ո՛չ արուի եւ ո՛չ էգի, զի ամենեքեանդ դուք մի էք ի Քրիստոս Յիսուս», - ասում է առաքյալը (Գաղ. Գ. 28): Եկեղեցում մենք դառնում ենք մեկ ի Հիսուս Քրիստոս, կոչված՝ լինելու հոգեւոր քույրեր ու եղբայրներ, Քրիստոսի սիրով ապրելու, Քրիստոսի լույսը սփռելու ամբողջ աշխարհում:

Սիրելի՛ բարեպաշտ հավատացյալներ, Ս. Գևորգ եկեղեցու վերածման արարողությունը Մեր հայացքներն ուղղում է նաեւ Վրաց օրինյալ երկրում կառուցված մեր սրբավայրերին՝ վանքերին ու եկեղեցիներին, որոնք աստվածմեթոքության տարիներից մնացել են աղոթագուրկ ու անխնամ եւ երբեմն նաեւ այսօր ցավալիորեն փլուզվում են ու ավերակ դառնում, քանզի հնարավորություն չի ընձեռվում հոգածություն ցուցաբերելու: Այսօրվա արարողությունը Մեզ վստահություն է ներշնչում, որ վրաց իշխանությունների աջակցությամբ եւ Վիրահայոց թեմի եւ բարեպաշտ հավատացյալների ջանքերով վերստին պիտի բարեկարգվեն ու պայծառանան նվիրական մեր աղոթավայրերը:

Այս պատեհ առիթով Մեր շնորհակալությունն ու օրհնությունն ենք բերում վրաց իշխանություններին Ս. Գևորգ եկեղեցու նորոգության գործում դրսևորած սատարումի, ինչպես եւ՝ Վիրահայոց թեմին ցուցաբերած աջակցության համար՝ վերացնելու խորհրդային շրջանում Եկեղեցու կրած ավերների հետեւանքները:

Վրաց Ուղղափառ Սուրբ Եկեղեցին ներկայացնող Մեր հոգեւոր եղբայրների միջոցով ի Քրիստոս եղբայրական Մեր ողջունն ենք հղում Համայն Վրաստանի Պատրիարք Իլյա Երկրորդին՝ հայցելով Տիրոջ զորակցությունն ու օգնականությունը՝ ի պայծառություն Վրաց Ուղղափառ Եկեղեցու եւ ի բարօրություն աստվածասեր վրաց ժողովրդի:

Մեր ուրախությունն ենք հայտնում սրբազան այս արարողությանը Հայաստանի Հանրապետության նախագահ Տիգրան Սարգսյանի ներկայության առիթով, ով աջակցություն է բերում մեր Սուրբ Եկեղեցու առաքելությանը ինչպես Հայաստանում, այնպես էլ աշխարհասփյուռ հայության տարբեր համայնքներում: Մաղթում ենք Բարձրյալն Աստծո զորակցությունը մեծարգո Նախագահին՝ իր բարձր առաքելության իրականացման մեջ:

Բարձր գնահատանքով ու օրհնությամբ ենք հիշատակում մեր Եկեղեցու նվիրյալ զավակ տիար Ռուբեն Վարդանյանի անունը, ով «Հայաստա-

նի զարգացման նախաձեռնություններ» հիմնադրամի միջոցով իրականացրեց Ս. Գետրգ եկեղեցու նորոգության աստվածահաճո ձեռնարկումը:

Մեր օրհնությունն ու գնահատանքն ենք բերում այս նախաձեռնությանը միացած բարերար անձանց՝ Ալբերտ Ավդոյանին, Բիձինա Իվանաշվիլին, Դանիլ Խաչատուրովին, Սերգեյ Սարկիսովին, Կոստանտին Մարգարյանին, Անդրեյ Մկրտչյանին, Բորիս Նահապետյանին, ովքեր իրենց ազնիվ նվիրաբերությամբ աջակցեցին հինավուրց այս աղոթավայրի նորոգությանը:

Մեր աղոթքն է, որ Տերը եկեղեցաշեն բարերարներին և նրանց ընտանյաց անդամներին պարգևի քաջառողջ ու երկար կյանք և մշտամնա հաջողություններ աստվածահաճո իրենց գործերում:

Հոգեպարար այս օրը Մեր բարձր գնահատանքն ու Հայրապետական օրհնությունն ենք բերում Վիրահայոց թեմի առաջնորդ Գերաշնորհ Տ. Վազգեն եպս. Միրզախանյանին և հոգևոր բարեջան սպասավորներին, ովքեր ջանադիր ծառայասիրությամբ ու նախանձալնողի ոգով սպասավորություն են մատուցում վիրահայ Մեր սիրեցյալ գավակներին:

Հայրապետական Մեր օրհնությունն ու բարեմաղթանքն ենք բերում նաև թեմական վարչության անդամներին, կրթական ու ազգային հաստատությունների նվիրյալներին և ձեզ բոլորիդ՝ հավատավոր ու հարազատ գավակներ Առաքելական մեր Սուրբ Եկեղեցու:

Նաև Մեր օրհնությունն ու գնահատանքը՝ Ս. Գետրգ եկեղեցու վերանորոգմանը ջանքեր ներդրած հայ և վրացի ճարտարապետներին, վարպետներին, շինարարներին և աշխատավորներին:

Ի խորոց սրտի աղոթում ենք, որ Երկնավոր Տերը արդյունաշատ դարձնի Վիրահայոց թեմի առաքելությունը՝ ի նպաստ Վրաստանի հայության հոգևոր կյանքի զորացման: Թող Բարձրյալն Աստված Սուրբ Գետրգ գորավարի բարեխոսությամբ Իր օրհնության ներքո շեն ու պայծառ պահի Վրաց երկիրը, բարօրության մեջ՝ վրաց եղբայրական ժողովրդին, և հանապազ օրհնի մեր երկրների ու ժողովուրդների եղբայրությունն ու բարեկամությունը:

Մեր Տեր Հիսուս Քրիստոսի շնորհները, սերը և ողորմությունը թող լինեն մեզ հետ և ամենքի այսօր և միշտ. ամեն:

